

سنه لکی در سعادت ایچون مجیدیه
کرمی فروش حسابیه التمش
غروشد

طمره ایچون پوسنه اجرتی اوله رق
اون بش فروش ضم اولنور

نسخه سی ۴۰ پاره در

کتابخانه

آبونه اولمق ایستیلر دائره عدلیه ده
اداره مخصوصه سنه مراجعت
ایملیدر

اعلاناک بهرندن بر مجیدیه اخذ
ایدیور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تبلیغات

توتون جزای نقدیسنه متعلق دعاویدن طولانی
پشین اوله رق ربع اعلام خرجی آلتق و تمیز استدا سنه
بولسان محکوم علیهمه جانب اداره دن اعلام تبلیغ
ایتدیلمک صورتلریله دعاوی حقوقیه حقنده کی معامله
متخذ و مرعی بولندیفی حالده اداره مذکوره علیهنه
لاحق اولان اعلامانک مواد جزائییه مقرراتی مثللو
تفید و اجراسی جهتنه کیدلمکده اولدیغندن بختله اطنه
ولایتی رژی نظری طرفندن وقوعبولان شکایتدن
طولانی استفسار کیفیتی متضمن ولایت مذکوره
مرکز بدایت محکمه سی حقوق دائره سی ریاستندن
وارد اولان تخریرات اوزرینه انجمن عدلیه دن
اعطا قلنان مذکرده: توتون قاجیلری علیهنده کی
دعاوینک مرجع تدقیقی اولان محاکم جزائییه جه حقوق
عمومیه دعاواییله برلکده اقامه اولنان حقوق شخصیه
دعوالرندن بیله بروجه پشین ربع اعلام خرجی اخذ
واستیفای اولنما مقده و تمیز دعاوایه تشبث و قیام ایدن
محکوم علیهمک محکمه تمیز استدا دائره سنجه اولبابده کی
استدا نامه لرینک تابع اولدیفی مدتک دخی دیگر مواد
جزائییه مقرراتی علیهنده ویریلان تمیز عرفالاری کی
اعلام بمیزبک حاوی اولدیفی حکم و جاهینک تاریخ
تفهیمندن اعتباراً حساب اولنورق تبلیغ مسئله سی
موضوع بحث ایدلما مکده اولسنه نظراً شکایت اولندیفی
وجهله ولایت مذکوره محاکم جزائییه سنجه رژی
دعوالرندن طولانی ربع خرج آلتق و تمیز استدا سنه
بولنان محکوم علیهمه اعلام تبلیغی خصوصنده اداره
مذکوره مجبور طوتلق مثللو معامله جریانی حالنده
بونک تعدیل و اصلاحی مقتضی اولوب انجق انجمنک
۲۴ ایلول سنه ۳۱۹ تاریخی مذکرده سنه دخی بیان
اولندیفی اوزره اداره مذکوره جانبندن اقامه اولنوبده
برائت و یا عدم مسئولیت قراریه نتیجه لنش اولان
دعاوی اعلامانک مصارف محاکمیه متدائر بولنان
فقرات حکمیه سنک سائر اعلامات جزائییه مصارف
محاکمه سنه قیاساً مدعی عمومیلر جانبندن مراجعت

و طلب وقوعنده دوائر اجراییه جه معاملات تفیدیه.
سنه بالابتدار مصارف مباحوث عنهانک نظامنامه
مخصوصه توفیقاً اداره مذکوره دن تحصیل ایجاب
ایده جکنه کوره بوجهته دائر اولان شکایت غیروارد
بولنش اولدیغندن بورالینک محکمه مذکوره رئیسله
اطراد معامله ضمنتده سائر ایجاب ایدنره تبلیغی
خصوصنک با تخریرات استیناف مدعی عمومیلکده
اشعاری افاده اولنمشدر.

تصحیح

۲۴۷ نومرولی نسخه ده مندرج توجیهات قسمنده:
«اسکدار بدایت محکمه سی مستنطق اعضائی قسطمونی ولایتی
استیناف محکمه سی جزا دائره سی رئیس عزتلو طلعت بکه»
دنبله جک ایکن سهواً «مستنطق» سوزی یازلماش اولدیغندن
تصحیح کیفیته ابتدار اولندی.

محاکمات قضائیه

قتل قصدی اولمق سزین ایقاع ایلدیکی ضربک
تأثیریه علی بکک اوغلی حسنک وفاتنه سبیت ویرمسنندن
طولانی جنایتله اتهام اولنان قوجه احمدک آلتی سنه
مدتله کورکه قونلسنه دائر انقره ولایتی استیناف
محکمه سی جزا دائره سنندن ویریلان ۳۱۳ نومرولی اعلام
اواخری قصبه سی اهلینسندن حسن بن تیوری
قتل قصدیه جرح ایلدیکی ادعا اولنمشندن دولایی
جنایتله اتهام اولنان محی الدینک اوچ سنه مدتله
کورکه قونلسنه دائر مناستر ولایتی استیناف محکمه سی
جزا دائره سنندن ویریلان ۲۹۲ نومرولی اعلام
میر آلائی عزتلو حسین بکک زردبان قورومق صور.
تیله خانه سنه بالدخول اشیاسنی سرقت ایلدکری
ادعا قلمنسنندن طولانی جنایتله اتهام اولنان چقور
چشمه لی محمد ورفیق احمدک اوچر سنه مدتله
کورکه قونلرینه دائر در سعادت جنایت محکمه سنندن
اعطا قلنان ۳۲ نومرولی اعلام
مکری قضاسنک اوزوملی قریه سنندن ملا خلیل
اوغلی بیرامی قتل قصدیه جرح ایلدکری ادعا

اولنمشندن طولانی جنایتله اتهام اولنان قره احمدایله
رفیق ابراهیمک اوچر سنه مدتله کورکه قونلرینه
دائر منتشا سنجاغی بدایت محکمه سی جزا دائره سنندن
ویریلان ۲۰۶ نومرولی اعلام

انطاکیه نیک جدید محله سنندن مصطفی بن سلیمانک
کیفیت قتلندن طولانی جنایتله اتهام اولنان حسن بن
مصطفانک اون بش سنه مدتله کورکه قونلسنه دائر
حلب ولایتی استیناف محکمه سی جزا دائره سنندن
ویریلان ۱۱ نومرولی اعلام

سیحانلو ناحیه سنک بولجه قریه سنندن تاتار اوغلی
صائمک ماده قتلندن طولانی جنایتله اتهام اولنان
دلی محمد اوغلی مصدیکک اون بش سنه مدتله کورکه
قونلسنه دائر قره حصار صاحب سنجاغی بدایت
محکمه سی جزا دائره سنندن ویریلان ۱۶ نومرولی
اعلام

ییلدیز ایللی قضاسنک نوروز قریه سنندن قدری
بن عمری ضرب ایدرک وفاتنه سبیت ویرمسنندن
طولانی جنایتله اتهام اولنان قریه مذکوره لی مصطفی
بن احمدک بش سنه مدتله کورکه قونلسنه دائر سیواس
ولایتی استیناف محکمه سی جزا دائره سنندن ویریلان
۳۱ نومرولی اعلام

یبان آباد قضاسنک آق قیا قریه سنندن طورمش
اوغلی ابراهیمک کیفیت قتلندن طولانی جنایتله اتهام
اولنان حسن بن علی بکک اون بش سنه مدتله کورکه
قونلسنه دائر انقره ولایتی استیناف محکمه سی جزا
دائره سنندن ایکنجی دفعه اوله رق ویریلان ۱۰۷
نومرولی اعلام محکمه تمیز جزا دائره سنجه تصدیق
اولنمشدر.

در سعادت جنایت محکمه سنندن تنظیم واعطا

قلنان اعلامدر:

بیک اوچیوز اون سکر سنه سی تشرین اولنک
سکرنجی کیجه سی الما طاغنده خیره زقاغنده عموخا.
نهجی کریا کیچه نیک قزی آنیقه بنت سیمونی قتل

قصیدیه جرح ایلدیک ادعاسیله مظنون علیه اولان قاسم پاشاده چیو یحیایر محله سنده اون بدی نومرولی خانه ده ساکن یکریمی بدی یاشنده حاجی حسنی بن شکری اقدینک جنایتله اتهامنه داتر هیئت اتهامیه دن تنظیم قلمن مضطه ایله استیناف مدعی عمومیلکنک ۲۲ تموز سنه ۳۱۹ تاریخی اتهامنامه سی اوراق متفر- عسیله برابر محکمه جنایتله تودیع قلمغله بالمطالعه تفصیلاتی اولباده طویلان ضبطنامه دن مستبان اوله جنی اوزره اصول محاکمات جزائییه قانوننک باب نایسنگ فصل رابعده محرر اولان معاملات ابتدائییه بعد الایفا متهم مرقومک اجرای محاکمه سی ایچون اوچیوز اون طقوز سنه سی اغستوسنک ایکنجی کونی تعیین قلموب یوم مذکورده متهم حسنی علی الاصول توقیفخانه دن کتوردیلرک وکیل آرتین زیلیجان اقدی واستیناف مدعی عمومسی معاوینلرندن عزتو ادهم بک ومدعیه شخصیه آتیقه موقع مخصوصلرنده حاضر اولدقلری حالده محاکمه سالوننه چیقیله رق محاکمه علیه اجرا سنه بالابتدار متهمه وکیلله لازم کلان اخطارات قانونیه ایفا قلندقدن صکره هیئت اتهامیه مضطه سیله اتهامنامه ضبط کابی نیجای اقدی طرفندن قرائت اولندی .

مذکور مضطه ده مظنون علیه حاجی حسنینک آتیقه نی قتل قصیدیه جرح المیش اولسندن طولانی اتهامنه اوراق تحقیقه ده محرر اخبارات ومعاینه راپوری مندرجاتی ووقعه نی معقب فرار اتمسی کافی کورلش وحرکت واقعه سی قانون جزائک یوزسکسانجی ماده سی حکمی مستلزم افعال جنائییه دن بولنش اولدیغندن اولوجهله جنایتله اتهامنه قرار ویرلدیکی محرر واهامنامه ده دخی مرقومک جنایت مذکورده نک فاعلی اولغله اهام ایلدیک مسطردر .

اتهامنامه نک خلاصه سی جانب ریاستدن متهم مرقومه تفهیم وتوضیح ومعاون مومی الیه طرفندن دخی دعوانک تشریح قلمسنی معقب مرقوم سولتدیر- لدرکه کندوسی کچن سنه شهر تموز طرفنده طشره به عشاق طرفلرینه کیدوب بش ماه قدر اوراده قاهره رق بوندن درت بش ماه مقدم درسعاده کلدیکنی و آتیقه نی ضرب وجرح ایتمدیکنی کی مزبوره نی قطعاً طانیمدیغنی ووقعه زمانی درسعاده بولمدیغنی درمیان ایلدی .

مدعیه شخصیه آتیقه دن صورت جریان وقعه صورلدقده برکیجه خاننک آلت قات اوطنه سنده یالکیز بولسندی صروده اوزون بویلی ضعیفجه بر شخص آچیق بولنان زقاق قپوسندن ایچرویه داخل اولوب حامل اولدینی اوستوره ایله یوزنی جرح ایتمکدن صکره چیقوب فرار ایتمدیکنی وشخص مرقومک کیم اولدیغنی بیلمدیکنی وحضور محکمه ده کی

متهم حسنی کندوسی جرح ایتمدیکنی بیان اتمکله مستطق جانندن ضبط ایدیلان افاده سی لدی القرائه حاجی حسنی کندوسی دوست طومق ایستدیکنی حالده کندوسی موافقت ایتمدیکندن ووقعه دن مقدم مرقوم کندوسی تهدید ایلدیکندن ضابطیه تسلیم ایلدیکنی جهته غرض وخصومت ایتمدیکنی واوستوره ایله کندوسی جرح ایدمکجه داتر توقیفخانه دن خبر کوندردیکنی ووقعه کیجه سیده خانه به بالدخول اوستوره ایله جرح ایلدیکنی مبین اولغله اشبو افاده سی اخطار واستیضاح ایلدکله اول وقت سرخوش اولدیغندن نه سولبدیکنی بیلمدیکنی وجاری حسنی اولمدیغنی ایان ایلدی .

ضابطه عدلیه تقریری وطیب راپوری قرائت ایتمدیرلدی مذکور تقریرده قاسم پاشای حاجی حسنینک اوچیوز اون سکترسنه سی تشرین اولنک سکترنجی کیجه سی الما طاغنده خبریه زقاغنده نومروسزخانه ده مقیمه عموخانجه نی آتیقه نی اوستوره ایله جرح ایدرک فرار ایلدیکنی اخبار ایلدسی اوزرینه مرقوم هر تقدیر نجرى اولنش ایسه ده بولمه مدیغنی واجرا قلنان تحقیقات نتیجه سنده مرقومک مذکور خانه به دخول وخروجی ودرون خانه ده مزبوره نی جرح ایتمدیکنی مشاهده ایدن بولنامش ایسه ده ووقعه نی معقب مزبوره آتیقه زقاغه چیقوب قاسم پاشای حاجی حسنی کندو- سنی جرح ایتمدیکندن بخله طونک دیو فریاد ایتمدیکنک ومرقوم حسنی مقدما مزبوره به صارقندبلق ایتسندن ناشی نفی اولنوب خصومت ایدرک بوکرده مزبوره نی جرح ایتمدیکنک اخبار ایلدیکنی مذکور ورنجی راپورده مزبوره آتیقه معاینه اولندقده وجهنک صول طرفنده بررینه قریب ومشابه برآلت قاطعه ایله حاصل بر ریجق ساتیمترو طوللرنده اوچ عدد جرحه وشقه اعلاسی وسطنده ایکی ساتیمترو طو- لنده سطحی دیگر جرحه وشقه اعلاسنک صول طرفنده ایکی ساتیمترو طولنده دیگر برعدد جرحه وشقه اسفل صاغ طرفنده عین آلتله حاصل ایکی ساتیمترو طولنده دیگر برعدد جرحه وصاغ زاویه فکیه سی اوزرنده اوچ ساتیمترو طولنده دیگر برعدد جرحه وذننک وسطنده اوچ ساتیمترو طولنده دیگر برعدد جرحه وعقننک اول وخرچهره سنک اوست طرفنده درت ساتیمترو طولنده منجراف واقع دیگر بر جرحه وصول عدوی اوزرنده عموداً درت ساتیمترو طولنده دیگر برعدد جرحه وظهرنک صاغ طرفنده اون ایکی ساتیمترو طولنده عموداً عمق عظمه قریب دیگر بر جرحه کوردلکی و صوک راپورده دخی مزبو- ره نک مذکور افت جرحه لرلی سسطلق برافیه رق التیام بولدیغنی و وکی جرحه لر لایقیه تداوی اولدیغنی

حاله اوچ آی کندوسی ایشندن معطل ایدرک مدت مذکورده ظرفنده طقوز یوز غروش اجرت تداوی ایله التیام ایدر مواددن اولدیغنی مسطوردر . قرائت اولنان تقریر وراپورلر مندرجانه قارشو نه دیه جکی متهم حسنین صورلدقده بر دیه جکی اولد- یغنی ومزبوره نی جرح ایتمدیکنی بیان ایتدی ومزبوره آتیقه دن لدی الاستیضاح تأثرندن ناشی اولوقت اوله سولبدیکنی فقط حقیقت حالده جارخنک کیم اولدیغنی قراکقدده فرق ایدممدیکنی افاده ایلدی .

مدعی عمومیلکنک شود بوصله سنده اسامیسی محرر اولوب دعوت واقعه به مینی ورود ایدن شاهدلر برر برر حضور محکمه به چیقاریله رق لدی السؤل طرفنه قریب وخصومت ومناسبتلری اولمدیغنی سوللر الیه علی الاصول تحلیقلری بعدالاجرا منفرداً ومواجهه استماع اولندقلرنده بولردن الما طاغنده خبریه زقاغنده فرنک مارینک نومروسزخانه سنده مستأجراً مقیمه اونوز سکر یاشنده آتیک بنت آرتین وقعه کیجه سی ساعت بریجق ایکی راده لرنده نجره نک اوکنده اوطورمقدده ایکن قارشوسنده کی پاتره نک قهوه خانه سی اوکندن تشخیص ایدممدیکنی برشخصک سرعته کچمسنی معقب آتیقه قادین دخی اورایه کلرک امان طونک حاجی حسنینر نی هم مالیدن ایتدی همه جانن ایتدی دیو فریاد ایلدیکنی افاده مضو- طه سی وجهله اخبار وعندالسؤل فرار ایدن شخصک کیم اولدیغنی تعیین ایدمه به جکی تذکار ایلدی .

الما طاعی جاده سی ومحله سی بکجیسی یکریمی بش یاشنده ارزنجانی محمد بن محمد مذکور کیجه ساعت بریجق راده لرنده محله نی طولاشور ایکن ایشتمدیکنی فریاد اوزرینه کیدوب آتیقه نی زقاغه قان ایله ملمع اولدیغنی حالده کوره نک صوردیغنده حاجی حسنی کندوسی جرح ایدوب آشانی طوغری فرار ایتمدیکنی سولیکله کندوسیده اوطرفه قوشه رق برشخصک فرار ایتمدیکنی کورمش ایسه ده اوشخصه پیشه مدیکنی کی اوزاق اولدیغندن کیم اولدیغنی دخی طانیه مدیغنی افاده مضبوطه سی وجهله بیان ایلدی .

بک اوغلنده بالی بازارنده کائن کلیساعقاراندن برنده مقیم یکریمی بش یاشنده آستانلی پروکار لئون ولد آغوب برکون حاجی حسنی دکانه کلوب همامه کیده جکندن بخله بر اوستوره ایسته مش ایسه ده کندوسی ویرمدیکنی وبقراج کون صکره مرقوم حسنینک پدری دخی دکانه کلرک حسنینک آتیقه نی جرح ایش اولدیغنی سولبدیکنی مضبوط افاده سی وجهله بیان وعندالسؤل حقدده شهادت ایتمدیکنی حسنی حضور محکمه ده کی متهم ایدوکنی ایان ایلدی .

(مابعدی کله جک نسخه یه)

شیله قضاسی داخلنده قورنه قریه سی جوازنده مصطفانک کیفیت قلندن طولانی متهم بولنان کورجی حسنینک اجرا قلنان محاکمه سی نتیجه سنده مرقومک بالتهور فعل قله جرأتی شاهدلرک شهاداتی وکندوسنک اقراری ومعاینه راپوری مندرجانی ایله ثابت اولد- یغندن اول وجهله مجرمینه وقانون جزائک یوز بتمش دردنجی ماده سنک فقره اولاسنه توفیقاً اون بش سنه مدله کورک قوللی لازم کلور ایسه ده تاریخ وقعه ده اون بش یاشنی اکل ایتماش اولدیغنی جهته قانون مزبورک قرقجی ماده سی موجبجه جرمک مستلزم اولدیغنی اون بش سنه کورک جزاسنک ربی اولان اوچ سنه طقوز ماه مدله حبسنه وبش سنه دخی ضابطه نظارتی آلتنده بولندیرلمسنه ۱۰ شباط سنه ۳۱۹ تاریخنده محکمه جنایتجه قرار ویرلمشدر .

بقوصک صادق ضرب ایلدیکنی ثابت اوله مدیغندن برائتنه

مناو حسن رئیسک شریف اغای ضرب ایلدیکنی ثابت اوله مدیغندن برائتنه

بقوصک عبداللهی ضرب ایلدیکنی ثابت اوله مدیغندن برائتنه

سعيدك دقيق سرق ایلدیکنی ثابت اوله مدیغندن برائتنه

والده سی صدیقه نی جرح وقومیسر ابراهیم افسدی بی اجرای وظیفه حالده تحقیر ایدن قوش اوغلی یقوشنده ساکنه راقه نک اون بش کون حبسنه ویردیکنی ثابت اولدیغندن برهفته حبسنه

عنایده ساکن اعی حافظ مولود اقدینک محمد اقدی به اطاله لسان ومحمد اقدینک دخی مولود اقدی بی ضرب ایلدیکنی ثابت اولدیغندن محمد اقدینک اون کون ومولود اقدینک اوچ کون حبسلرینه ذکیه خانمی ضرب ایدن اسکداره اسب بازارنده مناو غالبک برهفته حبسنه

علی بی ضرب ایدن پولیس شکری اقدینک بر هفته حبسنه

غلطه ده طوغری بولده ایرانی علینک قهوه خانه سنده اقامت ایدن زنجی سلیم نام دیگر سالیانک پولیس محمود اقدی به اجرای وظیفه حالده حقارت ایلدیکنی اکلشایدیغندن مرقومدن بریجیدی آلتونی جزای نقدی اخذینه

احمد اغای ضرب ایدن اسکداره ساکن عمدوح بکک اون بش کون حبسنه

فستقچی واسیلک اموال منقوله سنه ایرات خسار ایله برابر مجروحیتنه سببیت ویردکلی تیین ایدن

قره کوبده ساکن یونانی یورکی ایله اتمکچی اقمیکک اوزکون حبسلرینه وکندولرندن یوز غروش مصارف جراحیه نک بالتحصیل مجروحه اعطاسنه

ماری قادی ضرب ایدن فری قریه لی دیمترینک اون بش کون مدله حبسنه

مکتب حربیه شاهانه دن ات سرق ایدن مذکور مکتب آتچیلرندن علینک الی ماه حبسنه

یرواندی ضرب ایتمدیکنی تیین ایدن فری قریه سنده تیورجی لیغوردن برلیرا آلنوب مضروب اعطاسنه پناویطی ضرب ایلدیکنی ثابت اولان اوره کوبده ساکن قوچونک اون کون حبسنه

بابر زقاغنده ساکن آورام ایله زوجیه سی قارینه نک خانه لرلی باجاسنی تطهیر ایتمدیرمهرک حریق ظهور- رینه سببیت ویردکلی اکلشایدیغندن حریق نظامنا- مه سی حکمنه توفیقاً هرایکسندن بشر مجیدیه جزای نقدی اخذینه

نردبان قریه سنده حسن اغانک قهوه خانه سنده بیتوت ایدن علی عثمانک ایکی کلو اوچیوز اوتوزغرام توتوله دردت اولندیغنی ثابت اولدیغندن مرقومدن یوز غروش جزای نقدینک تحصینه

اوچیوز بتمش غرام حقایق توتوله دردت اولنان اسکداره قریه جه احمدده چیقماز زقاغه ساکن مناو مصطفادن یکریمی غروش جزای نقدینک تحصینه

یکدیگرنی ضرب ایدن بکر بکنده ساکن خدمتکار عثمان ایله صوبی اصنافدن علینک برر هفته حبسلرینه

مضارب ایلدکلی ادا اولنان قاضی قریه سنده عثمان اغا محله سنده ساکن حریق نوبچیلرندن عمر ایله امین وفاطه وواحده قادیارک برر هفته حبسلرینه درسعادت بک اوغلی واسکدار بدایت محکمه لرلی جزا دائره لرجه قرار ویرلمشدر .

اعلانات

درسعادت استیناف مدعی عمومیلکنده :

فاطمه خاتمک کریمه سی فریده نام دیگر حوا قزلک کیفیت غیبوبندن طولانی متهم بولنان عارفک شریک جرمی اولدیغنی ادعاسیله مظنون علیها اولوب غیر موقوفه چهارشنبه قورد اغا محله سنده توفیق چاوشک خانه سنده مستأجره ساکنه قرق یاشلرنده عایشه ثانیه بنت ثابت محمدک اصول محاکمات جزائییه قانوننک مواد مخصوصه سی احکامنه توفیقاً متهم مرقوم عارف ایله برلکده درسعادت جنایت محکمه سنده محاکمه لرلی اجرا قلنمق اوزره قانون جزائک ایکیوز

التنجی ماده سنک فقره اخیره سی موجبجه جنایتله اتهامنه قرار ویرلدیکندن متهمه مزبورنک هر زرده کوریلورایسه طوتیلوب محکمه مذکورده توقیفخانه سنه تسلیمی لازم کله جکی بالجله ضابطه عدلیه مأمورلرینک معلومی اولمق اوزره اشبو اخذ وکرفت مذکره سی درسعادت هیئت اتهامیه سندن بالتنظیم اعطا قلندی .

بیک اوچیوز اون طقوز سنه سی تشرین نایسنگ التنجی کونی ساعت الی راده لرنده قزل طورراقده حسین اقدینک ساکن اولدیغنی خانه سنک ابدستخانه پنجره سنک پارمقلتی سوکدرک بالدخول اوطه قبولرینی آلت مخصوصه ایله کشاد ایدوب موسی الهک اشپاشنی سرق ایتدیکنی ادعاسیله مظنون علیه اولوب حال فراده بولنان قصه بویلی قره قاش وصاجلی وآز قرال بیق وقره الاکوزلی اوافق برونی بیاض وجهلی ممالک ایرانیه نک آذربایجان ایالتک صالحات سنجانگنک صاوره قریه سی اهالیسندن سربانی قدیم ملتدن یکریمی بریاشنده یوصف بن ابراهام اصول محاکمات جزائییه قانوننک مواد مخصوصه سی احکامنه توفیقاً درسعادت جنایت محکمه سنده محاکمه لرلی اجرا قلنمق اوزره قانون جزائک ایکیوز یکرمنجی ماده سی موجبجه جنایتله اتهامنه قرار ویرلدیکندن متهم مرقومک هر زرده کوریلورسه طوتیلوب محکمه مذکورده توقیفخانه سنه تسلیمی لازم کله جکی بالجله ضابطه عدلیه مأمورلرینک معلومی اولمق اوزره اشبو اخذ وکرفت مذکره سی درسعادت هیئت اتهامیه سندن بالتنظیم اعطا قلندی .

تجارت بحیره حکم سنده :

استانبولده چقماقچیلر یقوشنده آغویان خانی آلتنده کی مغازه ده ساکن ایکن تجارت بحیره محکمه سندن افلاسنه حکم اولنش اولان روب لوساریان ذمتده آله جغنی اثبات ویا موقتاً قبول وقید ایتمدیرمش اولان آله جقلولرک قانوننامه تجارتک ۲۱۱ نیجی وآی ولی ایدن ماده سی موجبجه مفلس طرفندن تکلیف اولنه جق قوقوردوراتونک مذاکره سی ایچون ۳۲۰ سنه سی مارتنک ایکنجی صالی کونی محکمه مذکور- ره نک افلاس اوطنه سنه کلرلی اعلان اولور .

ایکنجی تجارت حکم سنده :

بک اوغلنده غلطه سربانی قرینده تحقیقه مغازه سنده ساکن ایکن ایکنجی محکمه تجارتدن افلاسنه حکم اولنش اولان نیکیاس غلوسوتینک خصوصات افلاسیه سنک رویت وتسویه سی ضمنتده

دعوی وکیلرندن ماتاسی انوموتاری و اوخانس باراویان افندیلر اصالة سندیک تعیین قلمش اولدقلر- ندن مفلس مرقوم ذمتده آلهجی اولنلرک قانوننامه تجارتک ۱۹۹ و ۲۰۰ نجی مادهلری موجبجه تحقیق دیون ایچون تاریخ اعلاندن اعتباراً یکریمی برکون ظرفده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی اوچیوز یکریمی سنه سی مارتک اون بشنجی بازار ايرتسی واون التنجی صالی واون یدنجی چهارشنبه کونلری ایکنجی محکمه تجارتک افلاس اوطنه سنه کله رک سندیک افندیلر مواجهه سنده آلهجقلری اثبات وقید وتصدیق ایتدیر- ملری ومدت مذکوره ده اثبات وجود ایده میسان آلهجقلولر حقنده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور .

اعلامات شرعی اجرا دائره سنده :

متوفی علی آغا ورثه سنک نصفه خانم ذمتده اوقاف هایون مفتشکندن اعطا اولنان برقطعه مقتضا اعلامی موجبجه آلهجقلری اولان قرق عدد لیرای عثمانیک تأمین استیفاسی ضمنتده مرهون وفروختی محکوم بولنان آلتون اوزرینه مصنوع فلمنک تک طاشلی یوزکک مارتک برنجی بازار ايرتسی وایکنجی صالی و اوچنجی چهارشنبه کونلری چارشوی کیرده جواهر بدستانده بالمزایده فروخت اولنه جقندن طالب اولانلرک ایام مذکوره ده ساعت یدی راده لرنده محل مذکوره حاضر بولنلری درساعات اعلامات شرعیه اجرا دائره سندن اعلان اولنور .

متوفاة فاطمه احسان خانم ورثه سنک قهوه جی احمد افندی ذمتده بااعلام شرعی آلهجی اولان مبالغ معلومه نک تأمین استیفاسی ضمنتده مومی الیهک مالی اولوب لیان دائره علیه سی معرفتیه حجز آلتنه آلدرلش اولان بیک اسکله سنه منسوب درت جفته بازار قایغی اشبو ماه مارتک بشنجی جمعه کونی بلاط اسکله سنده بالمزایده فروخت اولنه جقندن طالب اولانلرک یوم مذکوره ده ساعت آلتی راده لرنده محل مزبورده حاضر بولنلری درساعات اعلامات شرعیه اجرا دائره سندن اعلان اولنور .

درساعات تجارت محکمه سی اجرا دائره سنده :

طنشاه اولان دین محکومنک تسویه سیچون کاغدجی قدری افندیلرک باب طالی جاده سنده مسرت آپارتمانی آلتنده کائن مغازه سنده موجود جامکان وفرطاسیه ورسم لوحه سی ودها بو مثللو اموال

محجوزه سنک فروختی قرار آلتنه آلمش اولدیغندن برموجب قرار اموال محجوزه مذکوره تاریخ اعلاندن اعتباراً اوچ کون صکره یعنی شباطک یکریمی سکرنجی جمعه ايرتسی کونی ساعت بشدن یدی به قدر محل مذکوره ده مأموری مواجهه سنده بالمزایده فروخت اولنه جقندن اشتراسته طالب اولنلرک یوم ووقت مزبورده محل مذکوره ده حاضر بولنلری محکمه تجارت اجرا دائره سندن اعلان اولنور .

یک اوغلی بدایت محکمه سی اجرا دائره سنده :

حسین ضیا بکک احمد لطیف افندی ذمتده یک اوغلی بدایت محکمه سی ایکنجی حقوق دائره سنک برقطعه اعلامی موجبجه محکوم به آلهجی اولان معلوم المقدار مبالغک تأمین استیفاسی ضمنتده مدیون مومی الیهک عهده تصرفده بولنان بک اوغلنده کاتب مصطفی چای محله سنده بک اوغلی جاده سنده یوز یکریمی بش نومرو ایله مرقم بر باب خانه آلتنده کی دکانلرک نصف حصه سی محکمه مذکوره قرار یله حجز آلتنه آلهرق لیدی المزایده اون بش بیک سکرنجی یوز غروش بدل ایله طالبی عهده سنده تقرر ایدرک موقت قرار داده سی چکلمش اولدیغندن تاریخ اعلاندن اعتباراً او تون برکون ظرفده یوزده بش ضمیله طالب اولنلرک ودها زیاده معلومات آلق استیانلرک یوزده اون نسبتنده کی دیوزیتو اچقلری مستصحباً بک اوغلی بدایت محکمه سی اجرا دائره سنه مراجعت ایللری ومدت مذکوره ختامنده یعنی شهر مارتک یکریمی بشنجی پنجشنبه کونی ساعت اون راده لرنده قرارداد قطعی کشیده قلمق اوزره سالف الذکر خانه پیشکاهنده مأموری مواجهه سنده حاضر بولنلری اعلان اولنور .

صراف نیقوله نک بک اوغلی بدایت محکمه سی ایکنجی حقوق دائره سنک برقطعه اعلامیه عبدالستار بک ذمتده آلهجی اولان معلوم المقدار مبالغک تأمین استیفاسی ضمنتده مدیون مومی الیهک بلاطده حاجی عیسی محله سنده فرح کتخدا وسائر وققلرندن محله مذکوره ده سنای زقاغنده مکرر ایکی نومرولی متصرف اولدینی بر باب کار کیر قهوه دکانی حجز آلتنه آلهرق لیدی المزایده درت بیک یوز الی غروش التون اچقه بدل ایله طالبی عهده سنده تقرر ایدرک موقت قرار داده سی کشیده قلمش اولمغه تاریخ اعلاندن اعتباراً نهایت او تون برکون ظرفده یوزده بش ضمیله طالب اولانلرک ودها زیاده معلومات آلق استیانلرک یوزده اون نسبتنده کی بی اچقلری مستصحباً بک اوغلی بدایت محکمه سی اجرا دائره سنه مراجعت ایتلری

واوتوز برنجی کونی یعنی بیک اوچیوز یکریمی سنه سی شهر مارتک یکریمی بشنجی پنجشنبه کونی ساعت بش راده لرنده املاک مذکوره پیشکاهنده مأموری مواجهه سنده حاضر بولنلری اعلان اولنور .

اکماد بدایت محکمه سی اجرا دائره سنده :

اوخانس فرنکیان افندیلرک اغلاشیه قادین ذمتده بااعلام آلهجی بولنان مبالغک تأمین استیفاسی ضمنتده ذاتاً مرهون بولنان چنکل قریه وجاده سنده اطراف اربعه سی طریق عام ایله محدود واوست قانده بش اوطنه و برصفه واورته قانده ایکی اوطنه برصفه و آلت قانده مرمر طاشلق و برمطبخ و دروننده برقیوی مشتمل یوز یکریمی یدی نومرولی اخشاب خانه ایله مذکور خانه نک آلتنده تخمیناً اوچیوز آرشون اوزرینه بر اوطنه و برصفه وفوچی قونمق اوزره مغازه بی مشتمل یوز یکریمی بش نومرولی شربتخانه ملک وکدکی الیوم میخانه عند المزایده لیرا یوزغروش حسابیه یکریمی ایکی بیک بشیوزغروشده طالبی عهده سنده تقرر ایدرک تاریخ اعلاندن اعتباراً برماه ختامنده قرار قطعی سی ویریه جکی جهته یوزده بش ضمیله زیاده طالب اولانلرک مدت مذکوره ظرفده اسکدار بدایت محکمه سی اجرا دائره سنه مراجعت ایللری اعلان اولنور .

ساقز بدایت محکمه سی اجرا دائره سنده :

ساقزلی استیفان دیلی یانینک مسادیدیا قریه لی متوفی دیمتری قالاموطوساکی وارثلری اقامتکاهی مجهول کیره قز قرنداشی ایثولیا ایله قریه مذکوره ده مقیم یورکی ولد پانده لی قالاموطوساکی ذمتلرنده ساقز بدایت حقوق محکمه سنک یوز ایکی نومرولو و ۲۷ کانون اول سنه ۳۱۷ تاریخی غیابی و او تون نومرولو و ۱۳ تموز سنه ۸۱۸ تاریخی وجاهی ایکی قطعه اعلامی موجبجه الاجنی بولنان طقوز یوز اون اوچ غروش ایله فائض ومصارف محاکمه نک تأمین استیفاسیچون مزبوره ایثولیا نک اجرا قانوننامه سنک یکریمی طقوزنجی ماده سی موجبجه اوچ آی ظرفده اثبات وجود ایتسی لازم کله جکی وایتمدیکی حاده متوفای مرقوم دیمترینک مرهون اولوب فروختی محکوم به بولنان قریه مذکوره نک غرافتی موقعنده کی معلوم الحدود برقطعه ترلاسنک فروخته تشبث اولنه جنی اعلان اولنور .